

Na osnovu Zakona o javnim nabavkama Bosne i Hercegovine, a nakon provedenog postupka nabavke putem konkurentskog zahtjeva je:

U G O V O R
za nabavku kancelarijskog materijala
za potrebe Pravnog fakulteta Univerziteta u Sarajevu

1. Pravni fakultet Univerziteta u Sarajevu, iz Sarajeva, ulica Obala Kulina bana broj 7, kojeg zastupa Dekan, Prof. dr Borislav Petrović (u daljem tekstu: Ugovorni organ)

i

2. „R&S“ d.o.o. Sarajevo, ulica Igmanska b.b., Vogošća, kojeg zastupa direktor, Kemal Selmanagić (u daljem tekstu: Ponuđač).

Član 1.

Predmet ovog Ugovora je nabavka kancelarijskog materijala za ponuđenu jediničnu cijenu u iznosu od 16,30 KM sa PDV-om (slovima: šesnaest KM i 30/100).

Sastavni dio ovog Ugovora je Ponuda Ponuđača broj: 1390/17 od dana 02.02.2017. godine, sačinjena prema Obrascu za cijenu ponude sa navedenim jediničnim cijenama istih.

Član 2.

Ugovorni organ naručuje predmetne usluge, a Ponuđač prihvata da izvrši predmetne usluge na osnovu provedenog konkurentskog zahtjeva i Odluke Ugovornog organa o izboru najpovoljnijeg ponuđača.

Član 3.

Ugovorni organ i Ponuđač saglasni su da Ugovor realiziraju putem konkurentskog zahtjeva, a prema definiranim uvjetima:

- Ugovorni organ prema zahtjevima u Obavještenju i Tenderskoj dokumentaciji;
- Ponuđač, prema dostavljenoj ponudi i dokumentaciji sa preciznim navodima u prijavi na konkurentski zahtjev.

Član 4.

Ugovorni organ nema obavezu da Ugovor realizira u cjelosti, niti snosi bilo kakve troškove ili odgovornost u slučaju da se isti ne realizira.

U slučaju neispunjavanja ugovorenih obaveza Ponuđača, Ugovorni organ zadržava pravo djelimičnog ili potpunog raskida Ugovora.

16.03.17
SA

Član 5.

Ponuđač se obavezuje da neće doći do promjene cijena iskazanih u Obrascu za cijenu Ponude tokom ugovorenog perioda, izuzev u slučaju promjene zakonskih propisa koji se odnose na plaćanje državnih dažbina.

Član 6.

Ponuđač se obavezuje da fakturu za isporučenu robu dostavi u ugovorenom roku, na osnovu otpremnih dokumenata (otpremnica i sl.) potvrđenih od strane Ugovornog organa da je roba dostavljena.

Ponuđač se obavezuje na nepromjenjivost ponuđenih cijena tokom cijelog ugovorenog perioda.

Ugovorni organ će nakon potpisanog ugovora uplatiti avans kako je to navedeno u ponudi Ponuđača, a fakture za obavljene usluge propisanim platnim nalogom za plaćanje u roku od 15 dana od dana stvaranja obaveze.

Član 7.

Ponuđač se obavezuje da će usluge izvršiti u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Ugovorni organ je obavezan dostaviti pismeno obavještenje o svakom navedenom propustu Ponuđaču po Ugovoru.

Ugovorni organ će utvrditi razuman rok za ispravku propusta Ponuđača u smislu izvršene nabavke.

U slučaju eventualnih primjedbi Ugovornog organa na kvalitet i količinu isporučene robe, Ugovorni organ može Ugovor djelimično ili potpuno raskinuti i prije njegovog isteka, uz predhodno izmirenje svih obaveza utvrđenih po osnovu istog.

Član 8.

Odredbe ovog Ugovora ne mogu se mijenjati nakon njegovog zaključenja.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je Sud Bosne i Hercegovine.

Član 10.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 11.

Na ostala prava i obaveze ugovornih strana, koje nisu regulirane ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor zaključuje se na određeno vrijeme do 08.03.2017 godine, prestaje važiti nakon odabira dobavljača/ponuđača za naredni vremenski period ili postupanja dobavljača/ponuđača po eventualnim primjedbama ugovornog organa u pogledu nedostataka vezanih za kvalitet nabavke, a primjenjivat će se od dana potpisivanja ugovora.

Član 13.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

UGOVORNI ORGAN:
Pravni fakultet Univerziteta
u Sarajevu

Dekan, Prof. dr. Borislav Petrović

PONUĐAČ:
„R&S“ d.o.o.

Direktor, Kemal Selmanagić

PRAVNI FAKULTET
UNIVERZITETA SARAJEVO

Broj: 01-293/17
Datum: 08.03.2017